

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 074850 24 K
Tešanj, 06.10.2025. godine

U IME FEDERACIJE BIH!

Općinski sud u Tešnju, po sudiji Besimi Ajanović, uz učešće zapisničara Hadžan Ninele, u krivičnom predmetu protiv optuženog S.K. sin M. iz K. broj .., općina Tešanj, po optužnici Kantonalnog tužilaštva Zenica broj T04 0 KT 0055495 23 od 26.08.2024. godine, zbog krivičnog djela krivičnog djela „Nasilničko ponašanje“ iz člana 362. stav 2. KZ F BiH, u sticaju sa krivičnim djelom „Oštećenje tuđe stvari“ iz člana 293. stav 1. Krivičnog zakona Federacije BiH, a sve u vezi sa članom 54. Krivičnog zakona Federacije BiH, nakon održanog glavnog i javnog pretresa dana 06.10.2025. godine u prisutnosti Kantonalnog tužioca Huso Hrustanović i optuženog S.K. lično, dana 06.10.2025.godine u prisutnosti KT Zenica i optuženog, donio i javno objavio sljedeću:

P R E S U D U

S.K., sin M. i majke R. r. B., rođen godine u Tešnju, nastanjen u ulici K. broj ..., općina Tešanj, pismen sa završenom SSS-KV vozač, penzioner, vojsku služio 1978. godine na u P. na K. , oženjen, otac dvoje djece, po narodnosti Bošnjak, državljanin BiH, srednjeg imovnog stanja, JMBG: ..., neosuđivan,

K R I V I J E

Što je:

Dana 05.10.2023. godine, oko 14,45 sati, na području općine Tešanj, na adresi K., broj ..., naročito drskim i bezobzirnim ponašanjem ugrozio građanski mir S. F., tako što je, nakon kraće verbalne prepirke sa S. F., radnom lopatom, koju je držao u rukama, udario po metalnoj kapiji vlasništvo S. F. i R., na koji način je na istoj pričinio štetu u iznosu od 304,20 KM, svjestan da na ovaj način oštećuje tuđu stvar, što je i htio, da bi potom od siline udarca lopatom po metalnoj kapiji, došlo do pucanja drvene ručke njegove lopate, usljed čega je puknuti dio lopate udario S. F. po prstima lijeve ruke, kojom prilikom je imenovana zadobila lake tjelesne povrede u vidu nagnječenja lijeve šake i nagnječenja trećeg prsta lijeve šake sa oguljotinama kože i otokom trećeg prsta lijeve šake, svjestan i znajući da takvim ponašanjem ugrožava F. građanski mir, što je i htio,

dakle, naročito drskim i bezobzirnim ponašanjem ugrozio građanski mir osobe, pri čemu je osoba lako tjelesno povrijeđena, te ošteti tuđu stvar,

čime je počinio krivično djelo „Nasilničko ponašanje“ iz člana 362. stav 2. KZ F BiH, u sticaju sa krivičnim djelom „Oštećenje tuđe stvari“ iz člana 293. stav 1. Krivičnog zakona Federacije BiH, a sve u vezi sa članom 54. Krivičnog zakona

Federacije BiH, pa mu se na osnovu navedenih zakonskih odredaba i primjenom odredaba člana 49. i 62. KZ FBiH utvrđuje:

-Za krivično djelo „Nasilničko ponašanje“ iz člana 362. stav 2. KZ F BiH kazna zatvora u trajanju od 6 mjeseci,

-Za krivično djelo „Oštećenje tuđe stvari“ iz člana 293. stav 1. Krivičnog zakona Federacije BiH kazna zatvora u trajanju od 2 mjeseca

Pa se primjenom odredaba člana 54. KZ FBiH optuženom izriče

UVJETNA OSUDA

Kojom se optuženom S. K. sin M. iz K. broj ..., općina Tešanj, za počinjeno krivično djelo, utvrđuje kazna zatvora u trajanju od 7 (sedam) mjeseci i istovremeno određuje da se ista neće izvršiti ukoliko optuženi u roku od 1 (jedne) godine ne učini novo krivično djelo, a računajući od dana pravosnažnosti presude.

Optuženi se obavezuje da na ime troškova krivičnog postupka plati iznos od 94,47 KM u roku od 30 dana od dana pravosnažnosti presude.

Oštećena F. S. kći H. iz K. broj ..., općina Tešanj se sa imovinsko-pravnim zahtjevom upućuje na parnični postupak.

O b r a z l o ž e n j e

Kantonalno tužilaštvo ZE-DO Kantona Zenica optužnicom broj T04 0 KT 0055495 23 od 26.08.2024. godine, optužilo je S.K. sin M. iz K. broj ..., općina Tešanj, zbog krivičnog djela „Nasilničko ponašanje“ iz člana 362. stav 2. KZ F BiH, u sticaju sa krivičnim djelom „Oštećenje tuđe stvari“ iz člana 293. stav 1. Krivičnog zakona Federacije BiH, a sve u vezi sa članom 54. Krivičnog zakona Federacije BiH, na način, vrijeme i mjesto kako je to opisano u činjeničnom opisu optužnice temeljeći optužbu na dokazima koji su provedeni tokom istrage i predloženi u optužnici.

Općinski sud u Tešnju optužnicu broj T04 0 KT 0055495 23 od 26.08.2024. godine, potvrdio je dana 28.08.2024.godine, te je zakazano ročište za izjašnjenje o krivnji.

Na ročištu za izjašnjenje o krivnji koje je održano dana 20.09.2024. godine optuženi S. K. je porekao krivnju pa je zakazan glavni pretres.

Na glavnom pretresu koji je održan dana 06.10.2025.godine Kantonalni tužilac je u cijelosti ostao kod predmetne optužnice kao i prijedloga dokaza.

Optuženi izjavio je da priznaje krivnju za djelo koje mu se optužnicom Kantonalnog tužilaštva stavlja na teret, da je svjestan svog djela kao i posljedica priznanja krivnje.

Uvjerjenje suda je da je do priznanja krivnje došlo sa razumijevanjem, da je priznanje dobrovoljno, i da je optuženi svjestan svih posljedica i obaveza koji proističu iz priznanja krivnje.

Priznanje krivnje optuženog je potpuno i u skladu sa provedenim dokazima na glavnom pretresu i to: Zapisnik o saslušanju svjedoka-oštećene u PS Tešanj S.F. od 09.10.2023. godine, Zapisnik o saslušanju svjedoka S. R. u PS Tešanj od 09.10.2023. godine, Zapisnik o saslušanju svjedoka S. E. u PS Tešanj od 18.10.2024. godine, Nalaz i mišljenje stalnog sudskog vještaka medicinske struke Mujić dr. Hasib od 09.07.2024. godine, sa medicinskom dokumentacijom i to: izvod iz medicinske dokumentacije SHMP Tešanj broj 11376/24 od 08.05.2024 godine sa Prijavom o ozljedi broj 25402/23 od 05.10.2023. godine na ime S. F., Akt Opće bolnice Tešanj broj 01-2-3135/24 od 13.05.2024. godine sa nalazom i mišljenjem ljekara od 05.10.2023. godine na ime S. F. i Zdravstvena dokumentacija-karton porodične medicine JZU Dom zdravlja „Izudin Mulabećirović-Izo“ Tešanj broj 14-04-08-781/24 od 23.05.2024. godine na ime S. F., Zapisnik o uviđaju PS Tešanj broj 08-02-11/1-1-293/23 od 05.10.2023. godine, Akt PS Tešanj broj 08-02-11/1-1-293/23 od 11.10.2023. godine o pohrani u depozit predmeta koji su izuzeti tokom vršenja uviđaja, Troškovnik firme „Ogrić-metal ing“ Rosulje-Tešanj od 24.10.2023. godine za popravku kompletnog lima za kapiju i montaža, Fotodokumentacija PS Tešanj broj 253/23 od 26.02.2023. godine, Troškovnik i Izvod iz kaznene evidencije za optuženog S. K. od 15.11.2023. godine.

Iz provedenih dokaza jasno proizilazi da je optuženi dana 05.10.2023. godine, oko 14,45 sati, na području općine Tešanj, na adresi K. broj ..., naročito drskim i bezobzirnim ponašanjem ugrozio građanski mir S. F., tako što je, nakon kraće verbalne prepirke sa S. F., radnom lopatom, koju je držao u rukama, udario po metalnoj kapiji vlasništvo S. F. i R., na koji način je na istoj prčinio štetu u iznosu od 304,20 KM, svjestan da na ovaj način oštećuje tuđu stvar, što je i htio, da bi potom od siline udarca lopatom po metalnoj kapiji, došlo do pucanja drvene ručke njegove lopate, usljed čega je puknuti dio lopate udario S. F. po prstima lijeve ruke, kojom prilikom je imenovana zadobila lake tjelesne povrede u vidu nagnječenja lijeve šake i nagnječenja trećeg prsta lijeve šake sa oguljotinama kože i otokom trećeg prsta lijeve šake, svjestan i znajući da takvim ponašanjem ugrožava F. građanski mir, što je i htio.

Iskazima salušanih svjedoka u istrazi potvrđeno je da je optuženi ponašanjem na način opisan u činjeničnom opisu optužnice ugrozio građanski mir S. F., pa kako je tom prilikom oštećena zadobila lake tjelesne povrede, što nesporno proizilazi iz nalaza i mišljenja ljekara od 05.10.2023. godine, Zdravstvena dokumentacija-karton porodične medicine JZU Dom zdravlja „Izudin Mulabećirović-Izo“ Tešanj broj 14-04-08-781/24 od 23.05.2024. godine i Nalaz i mišljenje stalnog sudskog vještaka medicinske struke Mujić dr. Hasib od 09.07.2024. godine, te kako je materijalnim dokazima a naročito Zapisnik o uviđaju od 05.10.2023.godine i Fotodokumentacijom od 26.02.2023.godine dokazano da je optuženi kritične prilike oštetio i tuđu stvar (metalnu kapiju) to su se u radnjama optuženog koje je preduzeo predmetne prilike stekla sva bitna obilježja krivičnog djela, „Nasilničko ponašanje“ iz člana 362. stav 2. KZ F BiH, u sticaju sa krivičnim djelom „Oštećenje tuđe stvari“ iz člana 293. stav 1. Krivičnog zakona Federacije BiH, a sve u vezi sa članom 54. Krivičnog zakona Federacije BiH, pa kako je optuženi bio svjestan svog djela i htio njegovo izvršenje te kako ne postoje okolnosti koje isključuju krivičnu odgovornost optuženog to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije na strani optuženog sud je cijenio sve okolnosti koje su od uticaja za odmjeravanje kazne. Od olakšavajućih okolnosti sud je našao da je optuženi priznao izvršenje krivičnog djela i time doprinio bržem okončanju krivičnog postupka, njegove lične i porodične prilike, da se radi o penzioneru starosne dobi od 67 godina, da nije osuđivan, otežavajućih okolnosti sud nije našao, pa je istom izrekao uvjetnu osudu kojom je utvrdio kaznu zatvora u trajanju od 7 (sedam) mjeseci, a koja kazna se neće izvršiti ukoliko optuženi u roku od godine dana od dana pravosnažnosti presude ne učini novo krivično djelo, sa uvjerenjem da će se sa izrečenom kaznom zatvora u cjelosti postići svrha kažnjavanja, kako sa aspekta generalne, tako i sa aspekta specijalne prevencije.

U skladu sa odredbama člana 199. i 200. ZKP-a FBiH sud je optuženog obavezao na plaćanje troškova krivičnog postupka u iznosu od 94, 47 KM, a koje je optuženi dužan platiti u roku od 30 dana od dana pravosnažnosti presude.

Na osnovu odredba člana 212. stav 3. ZKP FBiH oštećena F. S. kći H. iz K. broj ..., općina Tešanj, sa imovinsko pravnim zahtjevom upućuje na parnični postupak jer podaci iz spisa ne pružaju pouzdan osnov za potpuno niti djelimično presuđenje imovinsko pravnog zahtjeva oštećenog. Uvidom u zapisnik o saslušanju svjedoka F. S. broj: 08-02-11/1-17-1058/23 od 09.10.2023.godine sud je utvrdio da je oštećena S. F. postavila imovinsko pravni zahtjev, navodeći da joj je kritične prilike oštećena ograda, te narušeno zdravlje ali da se nije mogla izjasniti o visini imovinsko pravnog zahtjeva, pa imajući u vidu navedeno sud je oštećenu uputio da isti ostvaruje u parničnom postupku.

Zbog svega gore navedenog odlučeno je kao u izreci ove presude.

S u d i j a

PRAVNA POUKA:

Protiv ove presude dozvoljena je žalba
Kantonalnom sudu Zenica u roku od 15 dana
od dana prijema presude.
Žalba se podnosi putem ovog suda.

Besima Ajanović